



VOORZITTER DER STATEN  
VAN ARUBA

BINTENIO -23/3005

Aan: de Minister van Transport, Integriteit,  
Natuur en Ouderenzaken  
dhr. U.M. Arends  
L.G. Smith Blvd. 76,  
Alhier

Ons kenmerk: UV/23-24/082

Oranjestad, **14 november 2023**

Onderwerp: 13-tal Vragen van het statenlid dhr. Marco Berlis

Ingesloten gelieve U aan te treffen een verzoek door statenlid, dhr. Marco A. Berlis (IS/23-24/0267, d.d. 14 november 2023), ingevolge artikel III.17 van de Staatsregeling van Aruba en artikel 59 van het Reglement van Orde voor de Staten van Aruba gestelde vragen, naar de inhoud waar korthedshalve verwezen wordt.

De Voorzitter,



mr. Edgard G.A. Vrolijk



Parlamento di Aruba

Fraccion Movimiento Electoral di Pueblo

Presidente di Parlamento  
Sr. mr. Edgar G.J. Vrolijk  
Presente

Oranjestad, 14 di November 2023

**Topico:** Situación di RWZI.

Apreciabel Señor Vrolijk,

Di acuerdo cu articulo I III.17 di nos Constitucion y alabes articulo # 59 di Reglamento di Ordo di Parlamento, suscrito ta desea di haci mediante bo persona, preguntanan relaciona cu Situación di RWZI na Minister di Transporte, Integridad, Naturalesa y Ouderenzaken.. Suscrito ta desea di ricibi e contestacion por escrito.

Atentamente,

Dhr. Marco A. Berlis  
Parlamentario Fraccion MEP

**STATEN VAN ARUBA**

Ingek: 14 NOV 2023

Volgnr: IS/267/23-24



Minister, mirando cu mas y mas hotelnan ta keda habri pabao di brug, y cu esaki kiermeen mas awa sushi di hotel pa Bubali Plas mi kier a haci e siguiente preguntanan;

1. Minister, mi a tuma nota cu mas hotelnan a keda habri e ultimo añanan y esaki kiermeen mas awa sushi cu mester wordo procesa na Bubali Plas. Mirando cu e capacidad di RWZI na Bubali ya tabata overbelast sin e awa sushi di e hotelnan nobo, con RWZI ta acaparando cu e situación aki?
2. Minister, hunto cu e awacero cu tabata un bendición pa nos isla, sigur e no tabata fácil pa e planta, mirando cu e awacero ta yena e Bubali Plas mas ainda y ta pone presión riba e capacidad di e planta pa procesa e awa debidamente. Minister por asegura mirando e aumento di awa sushi di hotelnan nobo den e Bubali Plas, cu ainda e awa cu ta wordo laga bai lama ta safe pa publico?
3. Minister tin un rapport cu ta indica e calidad di e awa procesa na 2023 ainda ta safe ora di laga esaki bai lama?
4. Minister, cuanto m<sup>3</sup> extra di awa sushi ta yega awor na RWZI Bubali awo cu Embassy Suites a habri?
5. Minister, a firma pa pone RWZI bao di Utilities. Minister por duna Parlamento información pa ki tempo inversionan concreto ta cuminsa tuma lugar pa un planta nobo di RWZI Bubali of cu lo expande esaki?
6. Minister, turismo ta nos único pilar económico aworaki. Mirando cu na varios ocasión a debati riba e topico di RWZI, cual te adelantonan cu a tuma lugar desde cu minister a tuma RWZI bao di su hala?
7. Minister, recientemente a anuncia cu lo tin placa extra pa inverti den diferente proyecto. E suma di 25 miyon a wordo menciona. Tur e proyectonan ta zona bon, sinembargo mirando e peliger y e necesidad, pakico no a opta pa cuminsa inverti den expansión of mehoracion di RWZI Bubali di un forma mas agresivo?
8. Si inversionan ta bai tuma lugar den RWZI na 2024, minister por splica kico exactamente ta bai wordo inverti den dje y cuanto esaki lo costa?



Parlamento di Aruba

Fraccion Movimiento Electoral di Pueblo

---

9. Minister ta kere, mirando e cantidad di awa sushi cu Hotelnan ta manda pa Bubali Plas, y cu hotel ta yena e Bubali Plas mas tanto, ta pensando pa acerca hotelnan pa cuminsa paga of contribui pa e servicio aki?
10. Minister si ta dicidi di cuminsa cobra hotelnan, den ki forma esaki lo tuma lugar y pa ki tempo esaki lo bai sucede, mirando cu e situacion ta alarmante.
11. Minister, ta duidelijk cu mester un cambio total pa haci RWZI rendabel y paga pa su mes. A yega di menciona esaki na varios ocasion. Con avanza e plan aki ta pa RWZI Bubali?
12. Minister, mi por a comprende cu Secrets Hotel no lo tin su mesun planta di purificacion di awa mas. Cual ta e plan pa Secrets por deshaci di su awa sushi di un manera responsabel?
13. Minister varios aña pasa un planta nobo pa RWZI Bubali lo a costa 60 miyon florin. Mirando kico a sucede durante y despues di pandemia, cu inflacion a subi, cost of doing business a subi drasticamente, cuanto e prijskaartje di un RWZI nobo lo costa pais Aruba na 2024?

Mi ta spera di por ricibi contesta riba mi preguntanan mas pronto cu ta posibel.

Atentamente,

---

Dhr. Marco A. Berlis  
Parlamentario Fraccion MEP